



7. juni 2016

Inatsisartut Suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

**Meeqqanut Hash-mik akigniaasarneq pillugu Naalakkersuisunut apeqquteqaat:**

**1. Pinerluttaalisitsinermut inatsimmi suut periarfissaappat 18-it inorlugit ukiulinnut Hash-mik akigisaqartut sukateriffigineqarnissaat?**

**2. Meeqqanut Hash-mik akigisaqartut sukateriffigineqarnikuunnginneri piutillugu Naalakkersuisut Jutitsministeriamut sukateriffigineqarnissaanut inatsisilietoqarnissaa saaffiginnissutiginiarnerlugu?**

(Inatsisartunut ilaasortaq Tillie Martinussen, Demokraatit)

**Tunngavilersuut**

Demokraatit nuannaarutigaa Naalakkersuisut nuna tamakkerlugu Hash-mut akiuiniarneq aallartinneqarmat. Akiuiniarneq assigiinngitsunik suliniuteqarpoq ilaatigut pinaveersaartitsinikkut aammalu inatsisitigut. Demokraatinit ingammik nuannaarutigaarput suliniut meeqqat inuusuttullu pingaartitalugit ingerlanneqarmat.

Taamatulli oqareerluta pingaarutilittut isigaarput akigniaasunut aammalu akigniaasitsisunut sakkortunerusunik kinguneqartitsinissaq. Uani pivarput pineqaatissinneqartarnerit sukateriffigineqarnissaat, akigniaasitsisut meeqqanut 18-nit inorlugit ukiulinnut akigniaasimappata.

Akigniaasitsisut misigitinneqartariaqarput, kinguneqaataasinnaasut sakkortunerusut atuutinneqalerpata meeqqat Hash-mik pissarsisinnaanerat atuisuulersinnaanerallu angalassimatinneqarnerulernissaa.

Apeqquteqaatit ullut qulit suliffiusut ingerlaneranni akineqareersimassapput.